



Inatsisartut aalajangiiffigisassaattut siunnersuut Naalakkersuisut peqquneqassasut nalunaarusiamik suliaqassasut, inatsi naammattumik qulakkeerinninnersoq meeqqat angerlarsimaffiup avataanut inissinneqartut taakkunanullu angajoqqaajusut Naalagaaffiit Peqatigiit Meeqqat pillugit isumaqatigiissutaat malillugit sullinneqartarnersut.

(Inatsisartunut ilaasortaq Anna Wangenheim, Demokraatit)

(Siullermeerneqarnera)

Demokraatit Inatsisartunut ilaasortaataitanut Anna Wangenheim-imut siunnersuummut pitsaasumut qujanaq.

Ajoraluartumik imaappoq, maani nunatsinni meeqqat amerlavallaat sulii, angerlarsimaffiup avataanut inissinneqartartut. Pingaartuuvoq pinaveersaartitsineq aqqutigalugu allatullu suliniuteqarnikkut angerlarsimaffiup avataanut inissinneqartartut amerlassusaasa appartinniarnissaat, kisiannili pingitsoortissinnaagunangilarput, ilaannikkut meeqqamut pitsaanerummat angerlarsimaffiup avataanut inissinneqarnissaq.

Taamaattoqartillugu pingaartuuvoq, tamatigut qulakkiissagipput, meeqqat pisinnaatitaaffiisa siulliunnissaat. Ersarissumik inatsiseqartariaqarpugut ersarissunillu malittarisassaqluta, taamaasilluta meeqqat pisinnaatitaaffi qulakkeerniassagatsigit nunat tamalaat akornanni isumaqatigiissutit soorlu FN-ip Meeqqat pillugit isumaqatigiissutai eqqortillugit.

Taamaattumik isuma pitsaasuvoq, nalunaarummik sanasoqarpat, tassunga tunngasunik maannakkut pissutsinik qulaajaasumik.

Inatsisartunut ilaasortamut Anna Wangenheim-imut qujaqqippunga pisoq eqqummaariffigimmagu.

Siunnersuut akuerisassanngorlugu innersuunneqarpoq Ilaqutariinnermullu- aamma Peqqissutsimut ataatsimiititaliami suliareqqitassanngorlugu.